



---

责任审校 胡静怡

---

## 胡静怡（5首）

### 渔家傲·山行

溪畔萋萋芳草绿，双双凫鸭波间浴。幽谷风生摇翠竹。黄  
千簇，枇杷已在枝头熟。

好水好山看不足，密林深处鸣牛犊。崖上依稀蹲小筑。云  
相逐，声声玉笛吹《梁祝》。

### 渔家傲·书

斗室图书堆满地，年年上级还恩赐。每到搬家真愿死，难  
处置，婆婆骂我书呆子。

拣瘦挑肥千百次，狠心抛弃康乾史。赏给孙儿当手纸，他  
不齿，他嫌上面多文字。

### 减字木兰花·宇宙空间中之地球

此中有我，广袤空间尘一颗。渺小堪怜，说甚齐州九  
点烟。

遛它一把，谁是骡子谁是马？英主瘟神，宇宙茫茫不  
见痕。

生查子·宁乡芙蓉诗社坝塘雅集，分得“上”字

吾原二老倌，一副窝囊相。性既傻兼狂，诗岂高而上？  
曾逢告密人，饱吃杀威棒。苟活杖朝年，仍是穷酸样。

浪淘沙·街头小景

拂晓雾重重，瑟瑟西风。林荫道上摆长龙。不识庐山真面目，口罩严封。

两个老顽童，劈面相逢。一拳挥出击当胸：“黄土已经埋半截，也捅喉咙？”

熊治祁（5首）

水调歌头·腊月二十八访儿时游玩地小埠港

瘦柳垂高岸，冬日映微澜。江风吹我华发，落叶满丛山。老树似曾相识，古渡而今已杳，惆怅立碇湾。洲渚觅芳韵，唯见淡烟寒。

望遥空，寻旧梦，踏沙滩。昔时渔唱汉港，舟过鹭鸥闲。无复儿时光景，多少沧桑变换，临水叹流年。拾取滩头石，细看久盘桓。

### 满江红·访汨罗河泊潭，想见灵均投江情境

孤独行吟，风萧索、忧怀绾结。芦苇荡、夕烟凄淡，涛声呜咽。鸾鸟凤凰今已远，知心唯有沅湘月。望苍梧、遗恨万千重，凭谁说。

飘零久，堪摧折。时不利，多妖孽。向朔方遥念，故都宫阙。忠不用兮贤不以，诚贞空热胸中血。忍回顾、无限好江山，从今别！

### 采桑子·遥望羞女峰，峰形浑似绝代佳人

寻幽直向桃江去，竹海茫茫，资水苍苍，望美人兮天一方。

万千仪态纤云绕，不慕浓妆，身自清香，料想芳心藏锦章。

### 渔家傲·沅江千年九臂樟

阅尽沧桑君矫矫，千秋固守冰霜操。山水清音长缭绕。风雨啸，虬枝总把阴霾扫。

欲效贞心犹似少，尘寰万事无烦恼。雄姿挺拔凌苍昊。青未了，八千岁后春光好。

注：《庄子·逍遥游》：“上古有大椿者，以八千岁为春，八千岁为秋。”

临江仙·健章兄久居香港，思念同窗，嘱余为长沙市一中  
1964届高77班毕业照题词，情深意切，敢不从命

清水塘前无限梦，少年意气纵横。指星看月话前程。勇勤  
公朴训，风雨永铭膺。

六十年间如一瞬，关山难隔深情。而今两鬓已星星。凝神  
观旧照，微信祝遐龄。

注：勇勤公朴，一中旧时校训。

## 陈书良（1首）

### 浣溪沙·步辛稼轩韵

今岁还祈雨水匀，东风吹泪破眉颦。图书掸却去年尘。  
清样比红催勉力，雅园新绿已撩人。梅花闻道橘洲新。

## 熊东遨（5首）

### 沁园春·《删剩集》编成自叙

小住红尘，六十余年，赚个诗篮。喜清风无界，从天自  
沐；黄花可就，约客同酣。复古情怀，图新事业，书是春蚕我  
是蚕。纷繁世，守一方净土，百味都谙。

漫言孤独何堪，算史上知音有二三。任吟边常驻，东坡竹

杖；梦中偶挂，太白云帆。宜雨宜晴，不群不党，鱼在青霄月在潭。闲文字，或为人留得，些许回甘。

### 减字木兰花·元旦谒能仁寺

一年初始，自向丛林寻佛子。漫步山中，水响云飞路欲穷。  
绕廊青竹，看过千回犹未足。说到私亲，除却梅花便是君。

### 鹧鸪天·冬日偕湘中故旧洞庭湖观鸟

借得湖翁旧雨蓑，越堤来问近如何。光生涸沼龙潜穴，风拂长滩草作波。

迎塞雁，送天鹅，等闲密接在烟萝。仙禽别有行程码，不似人间顾忌多。

### 定风波·雨水前日惠州罗浮山访梅

赏遍西湖大小山，尚余心债未全还。特备陶家新酿酒，携友。罗浮来访梦中仙。

得共东坡歌一曲，知足。此身元已属长闲。做个人间怀旧者，归也。好峰留待后贤攀。

### 风入松·春夜兰圃诗乐会即兴

一船诗梦逐春潮，赚得几分豪。流光上溯三千载，知身

历、何代何朝。仙影徐来碧落，唐音半出琴箫。

擎杯忽忆九江陶，对此可怜宵。旧游湖海追寻遍，烟波外、相问渔樵。到眼清空未改，依然月近乡遥。

## 吕可夫（5首）

### 鹧鸪天·南京紫金山美龄宫

小墅清幽掩映中，当年唤雨又呼风。江山半系美人链，宫阙三围旧主松。

孤岛左，故乡东，一湾海峡望成空。蛩寒月冷椒房老，闲听昏鸦静听钟。

### 鹧鸪天·癸卯仲春夜游南京秦淮河

灯影桨声烟水蒙，歌楼舞榭酒旗风。六朝金粉重新火，八艳胭脂依旧红。

桃渡北，雀桥东，乌衣巷里燕巢空。穿梭画舫流莺岸，夜夜后庭花梦中。

### 如梦令·感冒突然失声

天气未防春怪，突哑喉咙声带。每欲向人言，却是嘴张音坏。无奈！无奈！尴尬笑容聊代。

### 如梦令·癸卯立夏

一夜雨狂风速，似欲送穷春暮。晓向院中行，忍看落红无数。留住！留住！怎奈有心难助。

### 减字木兰花·癸卯入伏

天炉地火，日烤风蒸无处躲。油冒汗流，盐透纱裳碱浸头。寻凉避暑，绿豆稀熬茶酳煮。电扇空调，难熄心中懊闷烧。

## 张建明（5首）

### 少年游·夜坐（柳词格）

砌蛩歌浅叶萧萧，月老岭云高。诗敲露冷，座侵寒细，思起雁声遥。

当年载酒同游夜，快意满蘅皋。几点残星，几番长啸，举醉论三曹。

### 少年游·秋日山居（周邦彦格）

日光流火，蝉声听沸，秋味挂高崖。绿逝岩尖，水消涧底，生意任谁猜？

彷徨久，再寻心思，枯梦乱难裁。兀尔轻云，暗传消息，雨脚问山来。

### 少年游·如溪涧茶会所（柳词格）

溪流云雾涧堆花，酥雨破黄芽。冰心素手，笑中攀摘，惹醉岭边霞。

月来邀坐消清夜，和露煮新茶。漫捻温馨，闲斟情味，携梦听平沙。

### 锦缠道·蝉

尽日长嘶，解释旧欢新恨。抱云枝、漫飞高论，巧将鸦语成莺韵。数载低眉，只为今时分。

说南冠寄情，影怜玄鬓。梦清清、托生泉近。寂寞间、磨性寻根，竟水流花逝，一任长风问。

### 鹧鸪天·客再来

数载纠缠十亿功，商量爱恨意无穷。春声不作寻常语，怕惹狂生着怒容。

才送别，又相逢，转来犹道趁西风。而今识得君滋味，把盏敲棋一笑中。

注：疫情消沉两三个月后，又由境外输入。

## 周永红（4首）

### 渔家傲·千福塔

雾漫东江花正俏，重檐飞耸瓦家坳。五岭逶迤凭远眺，情殊妙，灵岩应是神仙造。

水库搬迁除旧貌，政风整肃彰勋效。且喜枝头传鹊报，千福到，锦鳞共向龙门跳。

### 浣溪沙·东江文化广场

仙袂飘摇下广场，箫韶乐舞沸东江，佳人宛在水中央。

半个洞庭波助兴，三千阆苑客飞觞，醉吟笔下肆汪洋。

### 水调歌头·过襄阳

楚赋滥觞地，孟米两襄阳。诗书韬略渊藪，奇策卧龙岗。人道北津戍垒，敢谓域中腰膂，铁打固金汤。威武拥兵甲，华彩出文章。

端公舞，牵钩戏，发铿锵。阳春白雪，下里氓众共登堂。古有高歌击壤，今有长风奋棹，热血振家邦。北马南船疾，汉水见龙骧。

### 金缕曲·咏史

卷土重来否？叹乌骓，霸王身后，咸阳烹狗。绛灌荣华诸吕贵，怎料衣冠速朽？空剩得，五铢铜臭。王莽谦恭时未篡，假推恩，设计金盃走。好消受，章台柳。

胡为折节泥中藕？岂不闻校书天禄，儒林魁首？羽猎甘泉皆粉饰，莫若辘轳樽酒。纵有那马班声口，饮誉汗青双绝唱，总难逃覆雨翻云手。休得意，称山斗。

## 高学文（4首）

### 临江仙·癸卯端月初五夜窗外红梅数点有题

谁遣一枝描瘦影，闲窗数点梅红。仙姿疑下蕊珠宫。隔年如有约，芳信已随风。

漫说江城吹玉笛，望中烟水重重。平生标格与君同。玉钩今夜月，清绝合香融。

### 临江仙·经穗城平川路再写宫粉紫荆花绽放

试趁春风宫粉，漫携一袖云烟。闲行不觉过平川。望中多缱绻，物外亦悠然。

岂许芳菲轻负，难消不了情缘。拟将清影写芸笺。莫言无所寄，须报蜡梅先。

### 鹧鸪天·梦回宁沟感作

十里沟堤结夙缘，四清洲左最流连。风添紫袖花如雨，鸥戏清波桨带烟。

芸枕梦，帽遮颜。菱歌动处自怡然。韶光指隙何堪觅，漫许青山两未嫌。

### 江城子·扶王山下雨潇潇

扶王山下雨潇潇。碧云遥，暗香消。一种情怀，暮暮复朝朝。茅保溪头垂柳线，曾记否、水平桥。

清欢宜待酒相招。探樱桃，听芭蕉。如许流年，掌上劝花雕。九折仑高偏慰我，更何处、引云箫。

## 胡晖（3首）

### 渔家傲·忆尝木槿花

素蕊一团清气袅，谁家滴露枝头早。来客应夸村妇巧，名未晓，经年犹记炊盘好。

驿路匆匆人草草，我今偶遇斜阳道。忽报此花真易老，何窈窕，教人久立愁肠绕。

### 定风波·观沅江小河咀美丽乡村鸬鹚

摇橹纤纤月影长，芦花数载过鱼梁。应念同舟风雨里，何计，殷勤频佐捕鱼郎。

今日村中渔暂歇，休说，罾丝尘网搁新墙。犹替东篱留客久，搔首，凌波几作御风翔。

### 青玉案·汨罗白天鹅

凌波来过横塘路，切莫把、高声语。恐有仙鹅惊素羽。平湖光影，苇花烟渚，遁迹知何处。

我今愿与卿为侣，褪却鲜裳久相伫。却道春时花色妩。桃腮不恋，柳眉不妒，万里高飞去。

## 黄波（3首）

### 卜算子·清照梅溪湖

回首嗅青梅，比并芙蓉俏。熏袖分茶辨瘦肥，明月盈兰棹。不羨贵妃尊，不用清平调。若道斯湖似丽人，清照如清照。

### 卜算子·兰

不怕土儿贫，只怕生于腐。若是相逢亮亮泉，那就欣欣舞。不逐利和名，懒听吹和鼓。且任心花默默开，散出香千缕。

### 减字木兰花·望城诗协雅聚有感

年终盛会，骚客吟坛争拾贝。我未成名，有幸陪师到望城。  
无尘清夜，明月吻花花道谢。共醉诗书，此意痴痴不易初。

### 雷凡（2首）

#### 清平乐·乡居

雀儿醒了，长在枝头闹。昨夜酒筵方正好，一觉香甜  
无扰。

阶前细草青青，田间泥土初耕。红日一轮高照，今朝又是  
晴明。

#### 鹧鸪天·夜宿资江畔

入夜寒来浸大江，丛山古渡两苍茫。无垠细雨飘黄叶，不  
尽窗风送客床。

人不寐，桂飘香。且将新句与秋商。明晨应是晴光好，借  
道兰溪向益阳。

## 罗凌翩（4首）

### 满庭芳·悼弘征

帘动秋风，叶飘银杏，冷霜此夜初凝。遗容相对，无语诉悲情。曾辑还乡旧影，偶回首、来处弥清。残垣右，书斋门构，石上刻丰盈。

飘零，偏自诩，痴书散叟，读写编评。享闲暇，挥毫治印微醒。十里春风浩荡，传鱼雁、天堑渊泓。梅山客，蹒跚归隐，可对月飞觥？

### 惜红衣·秋荷

玉藕初肥，莲蓬半摘，讶霓裳易。矍铄神情，残阳镀金色。无蝉把麦，曾几时、蛙鼓蛩笛。安谧。露坠萤飞，滴灵台芳泽。

江湖旅迹。镜里图中，曾删旧狼藉。羞惭审美狭窄。倍怜惜，残叶瘦茎犹举，坦面夏秋荣寂。望水天星动，清影又披霜白。

### 高阳台·读曾晓浒先生赠画有怀

叠翠峰峦，拖蓝涧水，通幽独木为桥。布谷声催，潇潇细雨如毛。一犁春水前冬雪，响牛鞭、镜碎波摇。起长风、村落

依稀，竹木笙箫。

先生小憩重提笔，化指间烟篆，云绕山腰。莲朵西来，欲拈天际迢遥。题识未尽平生意？补书斋、篱近亭皋。事丹青、此处魂归，可骋仙桡。

### 鹧鸪天·谢鑫森兄赠书

曩岁烟云启雁函，双城往事味回甘。素虾春案青盐蘸。故纸秋声雅韵耽。

《金络渡》《紫绡帘》，江湖英侠美长髯。琳琅说部千人面，品读西窗似夜潭。

注：《金络渡》《紫绡帘》，均为其小说集书名。

## 王振远（4首）

### 醉蓬莱·水府吟

看芳茵悦目，绿柳随心，径尘风扫。画舫从容，问清波谁钓。鹭影依稀，水光迢递，几处人儿俏。羽白凌霄，林青送爽，此情难了。

百里晨昏，十年寒暑，贮夏为渊，聚冬成岛。天地无言，又夕晖斜照。月色如银，夜色如缟，是水云相抱。四野蛩鸣，三更风起，一湖秋晓。

### 满江红·刘公岛感怀

海上浮来，千百载、神州一叶。还记否、断崖喷火，怒涛飞血。甲午风回怎忍耻，壬辰浪涌欣传捷。送航母、万顷破琼瑶，中秋月。

成和败，谁可说。魂与梦，何曾别。是男儿不负，志坚如铁。故国新家凭守护，青山碧水添奇绝。待凝眸、天外仰红旗，情犹烈。

注：2012年（农历壬辰年）9月25日，我国首艘航空母舰辽宁舰交付中国人民解放军海军。同年9月30日，为中秋节。

### 木兰花慢·东古湖湿地观小天鹅

是飞来片片，雪之侣，镜中浮。渐夜色阑珊，星光隐约，晓月如钩。悠悠，沐朝日下，看明霞素羽两温柔。相伴翩跹起舞，寄情缱绻回眸。

缘投，倩影谁留，多少梦，汨罗秋。纵海北天南，风霜万里，难忘乡愁。羞羞，对梁苑客，问何人不为稻粱谋。怜我渔夫牧子，惜他野鹭沙鸥。

### 粉蝶儿·友人送荔枝一篮

似雪如冰有酸有甜有泪，果盈盈、为谁娇媚。别炎天、趁暑月、岭南遥递，这篮间、多少异乡情味。

挥毫题序真个句约词美，问坡公、访香山未。放豪言、三百颗、啖之无悔，便西湖、留与此翁来醉。

## 谢良健（1首）

### 西江月·桃乡春色

风绿一川芳草，雨柔十里桃花。万千杨柳破新芽，翠幕云边垂挂。

碧树半湾溪水，烟村几处人家。农夫地里弄桑麻，正把春天描画。

## 谢紫云（3首）

### 鹧鸪天·壬寅酷热转凉重阳有感

高调清零不远游，余闲且听鸟啁啾。庭除桂影花期阻，落日黄昏烟霭浮。

邦万里，疫三秋。酒酣尚醉岂知愁。一城灯火重阳夜，月带凉风入小楼。

### 行香子·癸卯春日漫兴

红了花房，绿了垂杨。影翩翩，莺燕高翔。三年疫散，万里春芳。又人儿聚，歌儿起，舞儿狂。

收尽春光，点亮书窗。好心情，品读苏黄。词林广袤，诗海苍茫。醉夜来风，夜来月，夜来香。

### 鹧鸪天·中秋行近有得

足下云烟林壑深，何如好景梦中寻。香浮桂子千窗月，静听溪亭三尺琴。

天接水，日熔金。红枫黄菊任霜侵。花间人共一壶酒，分韵诗成我独吟。

## 赵海燕（3首）

### 东风第一枝·访浏阳友人

径扫新苔，岭收宿雨，桃源约我来复。俊游俦侣于斯，瑶席频催杯续。探梅脍鲤，尽拟作、兰亭醺醖。正抚掌、笛弄天真，稚子可祈安福。

十余载，周诗浅读。幸几个，知音犹熟。疫里禹甸承平，嘘寒问暖知足。苏辛才气，愿守得、东篱田屋。待春深、风沐同归，一笑自无孤独。

### 清平乐·步韵谢冷子瑜君

襟怀休裹，容易韶光过。青眼由心方应和，岂在杯盘右左。

擦肩人去东湖，相望击缶乌乌。煮酒何年事业，文章不问仙都。

### 减字木兰花·寄止间书店

止行止意，俱在此时花信里。间白间红，只道东风是画工。  
书香雨静，故事为君翻一帧。店暖春深，留客还留诗者心。

## 刘国辉（3首）

### 鹧鸪天·山村漫兴（三首）

满目青山笼翠微，晨风邀我入芳菲。撷些香缕和风舞，扯片云儿放梦飞。

花吻袖，蝶牵衣，绿杨烟外听莺啼。空中欲借风刀举，裁段春光好靚诗。

竟日晴明逸兴浓，薄衫轻着试春风。千声鸟啭回村落，一纸鸢飞上碧空。

云淡淡，雾蒙蒙，牛铃串串动玲珑。田畴隐若寻声望，笑逐飞蜂两小童。

尽沐春光感物华，乡村无处不豪奢。田边燕语兼莺语，陌上桃花间菜花。

鱼戏水，雾牵纱，小桥流水动清嘉。掬来一捧和诗煮，便觉清新味更佳。

## 胡岱松（2首）

### 渔家傲·走马兰台

走马兰台昏又晓，应差听鼓流年杳。案牍劳形闲暇少，徒烦恼，思归五柳无由告。

邀友传杯风日好，光阴未必催人老。莫惜相逢开口笑，须信道，芳华虽逝依然俏。

### 少年游·东洞庭湖观天鹅

迎春花发去年枝，北雁欲回飞。巴陵风软，汨罗水暖，交颈理归衣。

潇湘虽是江南地，怎奈脍鲈思。一路相携，御风共舞，真爱世间稀。

## 曾爱明（3首）

### 望江南·春词

春未老，朱碧涨晴川。望尽长条舟不系，坐来山籁枕轻寒。花影共谁眠？

### 临江仙·随感

浪白千堆江上，梅红数点窗前。分明清响发云端。鹿车风欲逐，荷锄酒频传。

中岁已然无惑，初心随处能安。愿亲山水远纷繁。天涯于我近，寄傲有人怜。

### 定风波·暮春采笋

未顾坡斜足绕藤，自开野径趁空晴。料是时过难觅矣，惊喜。白茅浅处几芽青。

举首相看天一线，不倦。既离尘事且忘形。兜转渐迷来去道，也好。但依山势作徐行。

## 冯恩泽（2首）

### 临江仙·登大王山

丹嶂勾图云补色，行来春色融融。大王何以宴东风。万丛青翡翠，千串玉玲珑。

禾雀含苞方引蝶，峰头攒满鸿蒙。支颐隅坐失从容。经年漂泊客，尚自记游踪。

### 沁园春·南湖畔信步

携春行吟，沿堤信步，逸兴悠然。望楼台飘杳，飞鸥点点，云天隐约，绿水涟涟。雾隐龙龟，光开境界，笛自南来奏洞仙，如何更，想月明之夜，共煮清泉。

洞庭花月无边，问当日、谁人写巨篇？有灵均抱石，范公题记，诗仙买醉，野老凭栏。湘竹斑斑，碧螺渺渺，细听钟声到客船，休问也，这潮来潮去，今夕何年。

### 黄去非（4首）

#### 青玉案·癸卯元夕用贺方回韵

华灯十里巴陵路。闹嚷嚷、人争去。似此生涯能几度。飞红滴翠，千门万户，恰似春浓处。

逡巡阅尽江天暮，灯下闲吟稼轩句。做个词人聊自许。酒阑无寐，宵深拥絮，静听潇潇雨。

#### 满江红·先慈周年忌日已近，因赋，用萨都刺元韵

春又归来，人已去，倘能安息。对坟前，石碑新矗，抚今追昔。绕膝儿孙皆长大，穿檐燕子如相识。痛何深，一线似飞梭，光阴急。

廉纤雨，如丝织；空心宅，余陈迹。更侵阶野蔓，衔山

寒日。竹树欹斜青翠减，田园芜秽虫虺泣。最伤情，满目杜鹃红、春江碧。

### 满庭芳·春日长沙后湖同学会

湘水澄波，麓山横翠，后湖何限清幽。融和天气，拂面柳风柔。偶借红尘一角，成嘉会，言笑悠悠。倾杯处，几回顾盼，仙子恍同舟。

回眸。惊卅载，韶光电谢，年少难留。记曾营野爨，共捉泥鳅。转眼华颠雪鬓，且沉醉、未许夷犹。分携后，天南地北，谁与话绸缪。

### 贺新郎·敬步元韵祝贺姜老广辉教授《中国经学史》付梓

往事如烟矣。数吾华，沧桑历遍，悲欢欣喜。多少前贤呕心血，留得辛酸满纸。更休说，昨非今是。万卷琳琅天禄阁，数功臣，毕竟真能几？歆与向，有谁比。

西溟学术洵聪睿。效先儒、孜孜不倦，跋山涉水。皓首穷经多弋获，看取纷披胜义。便超越、生生死死。藏之名山斯不朽，剩长吟，诗是吾家事。沉醉罢，对余子。

注：清人姜宸英，号西溟。此处借以代指姜教授。

## 雷歌（1首）

### 解连环·月夜

未消残酒，只长箫咽诉，满天星斗。柳袭我、如水温柔，  
是月洗轻纱，与君牵手。白鹭横江，石砑上、成双聚首。忆那  
年月夜，落花时节，相约厮守。

今宵月圆依旧，叹人非物易，白云苍狗。拽不住、逝水流  
年，又老去春山，已成衰叟。怎解连环，应晓得、此情难就。  
莫言愁、杯中清影，不知醉否？

## 田翔玲（1首）

### 卜算子·题旗袍照

一抹中国红，日暖香浮动。衣袂飘飘秀舞姿，拟把风情送。  
一扣瘦蛮腰，一绾青丝笼。又是芳菲肆意时，演绎青春梦。

## 肖志国（2首）

蝶恋花·芙蓉楼雅聚并送钟老师归粤，拈得“柳”字

满面风尘行迹就，相聚芙蓉，直把清宵透。笑唤谢娘添美  
酒，暗香浮动盈狂袖。

我自茫然还负手，待月桥头，且作闲人某。无奈轻舟归去久，空余两岸迎风柳。

### 浣溪沙·一年容易又重阳

稻熟蟹肥菊正黄，枫丹芦白吐芬芳。登高览胜兴犹长。  
对酒浑忘双鬓雪，吟怀偏忆故园霜。一年容易又重阳。

## 张武来（2首）

### 浣溪沙·初秋夜宿大围山

万里无云碧宇澄，月华如水浸帘旌。微薰灯照小楼明。  
高地生寒容野浴，深山避暑免清蒸。窗前似有桂香轻。

### 菩萨蛮·虎丘

吴王故冢苍凉路，千秋霸业笼烟雾。风急虎丘寒，楚湘人倚阑。

白云流水去，寻剑观花树。莫问昔何颜，断碑苔藓斑。

## 张正清（1首）

### 踏莎行·城步六六山歌节

碧水拖蓝，绿荫成盖。绵延峡谷披霞彩。山歌佳节攘熙熙，重重锦绣原生态。

古寨寻踪，廊桥听籁。清音恰似来天外。入心入耳酹如茶，吟怀自有凉风在。